

(C XVII 250) x 10 kot

F. J. J.

75

EXUL FORTUNATUS

Extra hæreditarium Patris Regnum,

Per spontaneum pro CHRISTO exilium

Olim in Iaponia

Crucis suffragio, ad Sceptra Crucifixi

Syd 2 XXIV 59



PROMOTUS

PAULUS SCIUNGA PRINCEPS

Nunc iterum

Inter lugubres Regis Dolorum ferias,

A Perillustri, Magnifica, ac Pranobili Iuventute Poëtica,

In Alma Univerſitate & Academia Vilnensi Societatis IESV.

Triftiorem in Scenam

REVOCATUS

Anno, Exulantis mortali in Carne, DEI Immortalis 1713. 5. Aprilis.



33. 692. III FUNDAMENTUM.

Fertilis in Martyrij laureas ager Iaponicus, sæpius etiam Christi Confessoribus, Regales pullulavit in adoras. Argumentum sanè dedit vel in solo (inter trecenta aliorum, Regum Floribus inscripta Purpuratorum Nomina) Principe PAULO SCIUNGA; qui contra severum Cæsaris Patrisq; mandatum baptizatus, cum cæpisset zelosissimè idololatriam extirpare, extrema sibi ob id Parente Rege minante, sponte se in exilium, quod speraverat, abjectis Regiæ dignitatis insignibus confert, solâ in comitem, afflictionisq; suæ solatium assumptâ Crucifixi Christi effigie, extra hæreditarium Regnum felicius fidereis asserendus sceptris Exul Fortunatus. *P. Dan: Bartoli Hist: Iap: p. 1. 1. 5.*

PROLOGUS.

Superstitio Iaponica, Genium Pauli Principis ad Paterni Regni invitans thronos, Flaminiam signat per substrata Martyrum ossa: sed ad Religionis Orthodoxæ adventum, inter dehiscents terræ flammis absorbetur; canente Pæanem Religione, & fortunatiorem Appiam, ad cælestium Regnorum diademata, per Cruces monstrante, docenteq; in Cruce Christi Regnum concludi.

PARS PRIMA.

Inductio I. Sciunga Princeps major-natu, meditante Patre Iamata, ob ætatem provectam, Regnum in alterutrum Filiorum devolvere, ut exploret affectus Procerum, renuntiat simulatè successioni in Paternum Regnum, ultimæq; declarationis loco subdit: *Caduca sceptrâ, nostra non tanget manus.*

Inductio II. Dimissis interea Proceribus, convenit Magum, consulturus an sperare debeat successiorem in Paternos thronos; à quo, ancipiti præfagio in spem erigitur, dicente: *Extra Paterna Regna, Te Regnum manet.*

Inductio III. Digressus à Mago Sciunga, dum præfagas voces mente revolvit, ad Parentem Regem per Ephebum evocatur, plenus spei, à Patre sibi successiorem in Regnum conferendam.

Inductio IV. Iamata Rex senio gravis, convocatis Regni sui Proceribus, successiorem sceptris designaturus, proponit utrumq; Filium, alterutrum liberè ad Regales fasces promovendum. Eligitur concordibus omnium suffragijs Kazusa minor-natu, utpote addictior sacrilegis Iaponum sacris. Adhortatur Neo-Electum Parens, ut avitam Iaponum Religionem, juxta Decreta Cæsaris, per extrema Christianorum exitia tueatur: Sciungam verò dubio solatur omine dicens: *Et tu Paterna sceptrâ si voles, reges.*

Inductio V. Sciunga advertens se exclusum Paterno contra spem omnem Regno, agitur in furorem; dumq; præ iracundia, extrema Patri & Fratri minatur, incidit in Christianum occultum, natione Lusitanum, Christiernum nomine: cum quo inita familiaritate (dummodo iræ & vindictæ satisfiat) jurat, traditurum se cum Patre & Fratre Regnum Lusitanis, imò & seipsum. Promittit suam operam Christiernus: insinuans tamen id periculosum esse, si Patri innotuerit, ex parte verò Lusitanorum ferè impossibile, ob potentiam Parentis Regis, malè ominosis præcavet verbis: *Regnum capeſſes, sceptrâ cum prendes crucis* (cruce[m] intelligens, quâ rebelles puniri solent) *lympha[s]q; durus quando stillabit silex: quibus dictis, digrediuntur.*

C H O R U S.

Religio, faviente in Iaponia persecutione, ex cæſorum Chriſtianorum capitibus erigit Capitolium, ad illudq; invitat Genium Sciungæ: quem Regalibus exornatura inſignibus, pro aureo diademate, ſpinam capiti imponit tæniam, pro Sceptro Crucem manibus inferit, atq; pro Purpura candidum humeris circumdat pallium: demonſtrans, gratiæ baptiſmalis conſcientiæq; candorem purpuram eſſe, quæ in cæleſtis Regni candidatos, mortales authorantur.

P A R S S E C U N D A.

Inductio I. Sciunga inter ruminandum perplexa Chriſtierni verba: *Regnum capeſſes, &c.* ſopore preſſus, videt per ſomnium, à Genio Parentis Iamatae ſibi offerri ſceptrum, dicitque: *Sceptrum capeſſe, purpuram candor dabit:* quod dum libens arripit, in evigilantis manibus in Cruce non ſine ingenti ſtupore tranſmutatur: putatq; jam verificari illud: *Regnum capeſſes, ſceptra cum prendes crucis* item illud: *Extra Paterna Regna, Te Regnum manet,* ſcilicet ſomnium.

Inductio II. Superveniens Chriſtiernus, audito Sciungæ ſomnio, gratulatur illi (ſupra ſpem impleto illo: *Regnum capeſſes, ſceptra cum prendes crucis*) donatum cælitus in Cruce ſceptrum. Addens verò: *Ad ſceptra Regni Diva Crux pandet viam,* hortatur ad fuſcipiendam Chriſti Religionem per Baptiſmum, annuente facile ſalutari conſilio Principe, ut verificetur illud, quod juraverat, *traditurum ſeipſum Luſitanis:* cum ſcilicet tradit ſe Luſitano in Fide Chriſti inſtituendum.

Inductio III. Deducitur Sciunga ad latentem inter prærupta montium (propter perſecutiones) Sacerdotem etiam Luſitanum: à quo per Baptiſmum frigidâ ablui petit ardentiffimè. Lamentante Sacerdote ob defectum aquæ, dum ſe omnes convertunt ad orationem, Sacerdos percuffâ Cruce rupe, educit aquas miraculoſe; quibus ablutus ſalutariter Princeps, dum candida veſte induitur, gaudet impleri illud: *Purpuram candor dabit. Item lymphasq; durus quando ſtillabit ſilex.*

Inductio IV. Rediens Sciunga à fuſcepto Baptiſmo, incidit in Fratrem Kazuſam, pro Tribunali ſedentem, Cæſareumq; decretum mortis contra Chriſtianos per Præconem promulgantem: quem dum liberè ob crudelitatem arguit, Kazuſa indignabundus, ſe proripit, delaturus Patri, quod ſit Chriſtianus: ad quas minas imperterrito animo, ſecuturum ſe illum ad Patrem Sciunga aſſerit.

C H O R U S.

Iaponia, ſæcunda Purpurarum & Purpuratorum Mater, applaudit felicitati ſuæ, tot ex ſe prodiffiſſe cæleſtis Purpuræ candidatos, quot Martyrij laureâ Coronatos (Coronatorum autem numerum, 44. annis perſecutionis ſuperâſſe 38581, ex quibus fuere 87. è Societate IESU, teſtatur P. Franc. Kardim in Floſculo è Floribus Iapon:) Religio verò ad uberioſiorem Coronarum & Fidei Chriſtianæ meſſem, è Vulneribus Salvatoris educit Rubiconem, quo Iaponiæ irrigata novalia, ſæcundius ſutcreſcant in laureas, Martyrum & Orthodoxæ Eccleſiæ coronarias.

P A R S T E R T I A.

Inductio I. Kazuſa accedit Patrem, accenſurus illum contra Fratrem, quem Chriſtianum eſſe indubitatè aſſerit. Iubetur proinde à Patre extemplo ad eſſe Sciunga, ut ſe à ſuſpitione purget.

Inductio II. Advenit Sciunga, fateturq; liberè ſe Chriſtianum eſſe. Excandefcit irâ Iamata Pater, extrema minatur niſi reliſcat, intrepide ſcelus deteſtante Sciunga. Vertit deinde furorem in preces & blanditias, ſed fruſtra. Kazuſa etiam Frater Regnum ſe illi ceſſurum ſpondet, modò deſciſcat à Chriſto, ut verificetur illud: *Paterna ſceptra ſi voles, reges:* deteſtatur Sciunga, verius modò dicens: *Caduca ſceptra, noſtra non tanget manus.* Urgente Patre deſectionem, adferuntur idola Xacæ & Amidæ, ſed hæc ad Crucis aſpectum aliſa ſolo, in cinerem comminuuntur.

Inductio III. Inſaniente præ ira Patre, conclamantibus in necem Sciungæ omnibus, jubetur per ſatellites abripi in theatrum ſuppliciorum, ut crudeli ſpectaculo terreatur, ſed nullo effectu; gratulante ſibi potiùs, quòd brevi (à Patre ad crucem fortalſe condemnandus) verificandum arbitretur illud: *Regnum capeſſes, ſceptra cum prendes crucis:* item illud, quod à Genio Patris audiverat *Capeſſe ſceptra.* Videns Iamata in irritum blanditias minasq; ſuas recidere, aſſectu etiam, quo Sciungam proſequebatur peribitus, dies aliquot ad deliberationem concedens, abſcedit.

Inductio IV. Relictus Sciunga ſolus, lamentatur fruſtratum ſe coronâ Martyrij, conſequenter & Regno, quòd per Crucem ſe conſecuturum ſperaverat: abiicit Regiæ dignitatis inſignia, ſolâ contentus (quam in Baptiſmo ſuſceperat) candoris Purpurâ: relinquit idololatricam Patriam, multa ei vaticinans, ac præſertim fore olim, ut per IESU Socios, Regi Dolorum tota ſubiſciatur. Demum ſolâ in comitem, ac afflictionis ſuæ ſolatum, aſſumpta Regis Crucifixi effigie, ut impleatur illud: *Extra Paterna Regna, Te Regnum manet,* item: *Ad ſceptra Regni Diva Crux pandet viam,* ſponte ſe in exilium quod ſperaverat confert, extra Patriam, cæleſte Regnum quaſiturus, illudq; quod in Baptiſmo invenerat, majore cum ſecuritate conſervaturus Exul Fortunatus.

E P I L O G U S.

Apodoliſis Elegiaca, Regi Dolorum intra mortalitatis exilia, ad Crucis Sceptra promotò, cordialem compaſſionem inſtituit.

Ad Majorem DEI Immortalis, mortali in Carne Exulantis Gloriam,
Ejuſdemq; Matris Doloroſiſſimæ Honorem.